



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

XLIV. Eine Magdeburgerin verzichtet auf ihre Ansprüche an den Ostherenschen Altar in Berge zu Gunsten des Pfarrers in Nauen, am 2. Mai 1370.

[urn:nbn:de:hbz:466:1-54581](https://nbn-resolving.org/urn:nbn:de:hbz:466:1-54581)

XLIV. Eine Magdeburgerin verzichtet auf ihre Ansprüche an den Ostherschen Altar in Berge zu Gunsten des Pfarrers in Rauhen, am 2. Mai 1370.

Universis Christi fidelibus, ad quos presentes pervenerint. Nos Johannes, dei gratia prepositus ecclesie sancte Marie virginis Magdeburg, facimus manifestum, publice protestando, quod coram nobis personaliter constituta Alheidis, relicta quondam Schulteti in Czerwist, mulier Magdeburgensis, renunciavit sponte et libere omni juri, cause, liti et actioni ad usum, utilitatem et opus honorabilis viri domini Gottwini, plebani in oppido Nowen, Brandenburg, diocesis, et suorum successorum nomine altaris beatorum Petri et Pauli apostolorum in ecclesia parochiali dicti oppidi Nowen fundati, que eidem mulieri competeabant, competunt et competere poterunt quomodolibet in futurum, super et de curia in Berghe et sex mansis in campis ejusdem ville sitis et suis pertinentiis, ad dictum altare jure proprietatis pertinentibus, quam curiam et quos mansos et que pertinentia dicta mulier ad se jure hereditario cum costatis, agris, pacto, censu, pratis, pascuis, ovili, precariis, servitiis, fructibus, redditibus, proventibus, judicio et jurisdictione, jure burgenf. et omnibus pertinentiis spectare affirmavit, fecitque expresse et sponte pactum nil de cetero in illis curia, mansis et pertinentiis predictis petendo seu vendicando et eisdem curie, mansis et pertinentiis nomine dicti Altaris predicto domino plebano et suis successoribus sponte renunciavit et recognovit, sibi nomine sepedicti altaris per ipsum dominum plebanum pro eisdem premissis omnino fuisse et esse satisfactum, dans et concedens ex parte sua Brunighe Hakenberge in Markede mandatum speciale et plenam potestatem resignandi hujusmodi curiam, mansos et pertinentias coram dicto domino plebano ad usum et utilitatem tam ipsius altaris quam plebani et ejus successorum, si et in quantum opus fuerit et expedire videatur. In cujus rei testimonium sigillum nostrum presentibus est appensum. Datum Magdeburgk in curia habitationis prepositure sancte Marie virginis Magdeb. anno domini M. CCC. septuagesimo, secunda die mensis Maji, presentibus honorabilibus et discretis viris domino Nicolao Schoneberg, canonico in Jericho, Johanne Aurifabro, Johanne Wenthusen, clericis Havelb. et Hyldensh. diocesis et Gevehardo de Domensleve, laico Magdeburg, diocesis, testibus ad premissa.

Nach einem Copialbuche des Brandenburger Domstiftes.

XLV. Heinrich Perwenitz wird als Altarist zum St. Peter und Pauls-Altare in Rauhen präsentirt, am 25. Mai 1371.

Reverendo in Christo patri ac domino Thiderico episcopo Brandenburg. Bernardus Branden, canonicus vestre ecclesie Brandeb., plebanus vulgariter nuncupatus in opido Nowen, vestre diocesis, devotas orationes cum debita reverentia. Discretum virum dominum Henricum Perwenitz ad altare beatorum Petri et Pauli apostolorum, situm in ecclesia parochiali dicti oppidi Nowen, per obitum domini Johannis Berneke, ultimi sui rectoris, vacans, cujus jus presentandi, adhibito consensu altaristarum ejusdem oppidi, ad me dinoscitur pertinere, Vestre reverende paternitati de consensu eorundem altaristarum duxi presentandum, supplicans humiliter et devote, quatenus eidem domino Henrico Perwenitz regimen et accessum ipsius altaris committere et ipsum ad idem altare investire dignemini, facientes sibi a reddituariis ejusdem altaris debitam obedientiam et reverentiam exhiberi et